
ШАҲАР БЕДАРВОЗА ЭМАС

Сўнгги йилларда мамлакатимизда тадбиркорга кенг имкониятлар яратилаётгани ҳеч кимга сир эмас. Бугунги кунда қонуний тарзда тадбиркорлик билан шуғулланаман деган киши учун барча қулайликлар мужассам. Лекин баъзан тадбиркорлик баҳонасида ўз манфаатини ўйлаб бизга ҳамма нарса мумкин деган хаёлга бориб ноқонуний ишларга қул ураётганлар ҳам йўқ эмас.

Масалан, ижтимоий тармоқ орқали ўзини тадбиркор эканлиги ва унга ҳокимият органлари иссиқхона ташкил этиш учун ҳужжатларини расмийлаштиришни ортга сураётганини иддао қилаётган Бахтиёр Йўлдошев юқорида тилга олган кишилар тоифасига киради.

Гап шундаки, Қуйи Авазбой қишлоғида яшовчи Бахтиёр Йўлдошев “Отахонбой ерлари” фермер хўжалигига қарашли бўлган экин майдонининг бир бурчагига иссиқхона қуришни мақсад қилган эди. Шаҳар бедарвоза эмас, деганларидек, табиийки, фермер хўжалиги раҳбари бунга қаршилиқ кўрсатади. Ўртада тушунмовчиликлар, келишмовчиликлар юзага келади.

Ушбу ишни қонуний ҳал этиб бериш учун судга мурожаат қилинади. Ҳуқуқни муҳофаза қилувчи орган вакиллари эса қонун фермер томонида эканлигини айтиб, ишни “Отахонбой ерлари” фермер хўжалиги фойдасига ҳал қилади. Мамлакатимизда қонун устовор ва у барча учун баробар эканлигини унутмаслигимиз лозим.

Албатта, бундан дарғазаб бўлган Бахтиёр Йўлдошев юқорида тилга олганимиздек тадбиркорларга ҳамма нарса мумкин деган хаёлга боради ва ҳокимият вакилларини айблашга тушади.

Нима учундир одамлар айбни ўзларидан қидириш ўрнига давлат органларини айблашга ўрганиб қолдик.

Ижтимоий тармоқ орқали мурожаат йўллаганда нега барчасини рўйи-рост айтишни истамаймиз. Бахтиёр Йўлдошев ўз мурожаатида нега биз тилга олган ҳолатларга тўхталиб ўтмади? Асл ҳақиқатни айтганида одамларда бошқача таассурот ўйғониши мумкин эди-ку? Қачонгача биз ўз манафаатимиз йўлида яшаб турган туманимиз, вилоятимиз ва мамлакатимиз обрўсига путур етказамиз.

Хуллас, шунақа гаплар, ушбу мурожаат юзасидан ким ҳақу, ким ноҳақлиги борсида қандай хулосага келиш ўзингизга ҳавола. Зеро, шаҳар бедарвоза эмаслигини унутмаслигимиз даркор.

Риштон тумани ҳокимлиги Ахборот хизмати

2020-09-24 18:05:47